

Sarajevo

Čaršija

Le Marché

Markt



unutrašnjost ove crkve sa svodom na stupovima i krasnim, bogato urešenim ikonostasom. Idući naprijed, oko 250 koraka, dolazi se do Oficirskog doma i u Preradovićevu ulicu, u kojoj se nalaze nekoliko lijepe moderne građevine: gimnazija, učiteljska škola, trgovačka akademija, državna muzička škola. Desno iza ugla u Preradovićevoj ulici nalazi se Banovinska škola umjetn. zanata, u kojoj se gaje osebuje starinske umjetničke bosanske vještine. Osobito su lijepi uložarski i inkrusacioni radovi ove škole (uloži zлата i srebra u druge kovine i umetanje zлата i srebra u drvo i kost), zatim rezbarski i tokarski radovi u bakru, bronci i plemenitim kovinama.

Na obali Miljacke nalazi se lijepa palača Direkcije pošta i brzjava s Glavnom poštom, do nje Palača pravde (sud), a lijevo Narodno pozorište. Malo niže, sučelice lijevoj obali Miljacke Protestantska crkva, a uz obalu malo dalje Jevrejski sefardski bram.

Od javnih knjižnica najveća je muzejska, isključivo naučna, a njoj je priključena i biblioteka Balkanskog instituta. Zatim Napretkova biblioteka, prosvjetna biblioteka i ona Radničke Komore. Biblioteka grada Sarajeva je sada u osnivanju. Sve te knjižnice imaju zajedno oko 110 000 svezaka. Svaka ima posebnu čitaonicu, a upotreba knjiga je besplatna.

U Sarajevu se nalazi i Meteorološka stanica I reda.

Društveni je život u Sarajevu veoma razvijen. Ima preko 100 društava, a među njima 10 kulturnih društava sa širim programom djelatnosti.

Sarajevo je turističko središte, poznato u cijelom svijetu. Broj stranih i domaćih turista raste danomice. Sarajevo pruža mogućnosti za razne vrste sporta: turističko-planinarski, zimski, lovački, ribarski i dr. sport. U svako doba godine naći će slikari i ljubitelji fotografije neiscrpno bogatstvo motiva, a oni, kojima je potrebit mir i čist uzduh, naći će ga u Banji Ilidži, u Kiseljaku, na Palama i u Stambulčiću na domaku Sarajeva.